

Kev Kho Mob Tus Kab Mob Ntsws Qhuav Tsis Tau Huam (TB): Moxifloxacin

Koj cov kev kuaj mob qhia tau tias koj muaj tus mob TB, uas yog hu ua "LTBI." Cov kab mob ntsws tsis paub no txhais hais tias muaj tus kab mob TB nyob hauv koj lub cev tab sis nws zoo li cov kab mob tsaug zog lawm xwb. Cov kab mob TB no tsis ua rau koj muaj mob thiab tsis tuaj yeem kis rau lwm tus neeg tau. Yog tias cov kab mob TB huam tuaj thiab ua haujlwm, lawv tuaj yeem ua rau koj mob. Qhov no hu ua tus kab mob TB huam lawm. Koj tuaj yeem kis tus mob TB rau lwm tus neeg yog tias koj muaj kab mob TB huam lawm. Kev siv tshuaj tua kab mob TB uas tsis tau huam tuaj yeem pab tiv thaiv kom cov kab mob TB tsis txhob sawv thiab rais los ua tus kab mob TB huam lawm.

Cov kab mob TB uas koj tau kis rau yog tus kab mob ntsws qhuav TB uas thev ntawm cov tshuaj (Multidrug-resistant TB (MDR TB)). MDR TB yog thaum kab mob TB yeej tiv taus tsawg kawg ob yam ntawm cov tshuaj tua kab mob TB lawm. Cov kab mob muaj zog no tsis tuaj yeem siv cov tshuaj kho kab mob LTBI uas peb ib txwm siv coj los kho tau lawm. Vim li no koj thiaj li yuav tsum tau noj tshuaj txaww dua li ib tus neeg mob LTBI.

Kuv yuav tiv thaiv tus kab mob TB uas huam tuaj no li cas?

Koj tuaj yeem noj tshuaj los tiv thaiv kom tus kab mob TB tsis txhob huam tuaj. Moxifloxacin yog ib hom tshuaj siv los kho tus mob LTBI. Nws tua cov kab mob TB uas tsaug zog lawm no ua ntej lawv ua rau koj mob. Nws yuav siv sij hawm ntawm lub hlis rau cov tshuaj no los tua cov kab mob TB vim hais tias cov kab mob muaj zog heev. Noj koj cov tshuaj Moxifloxacin tas li thiab noj kom ntev npaum li koj tus kws kho mob lossis tus kws tu mob qhia koj.

Yog vim li cas kuv thiaj noj tshuaj yog tias kuv twb tsis hnov mob qhov twg li?

Cov kab mob TB tsaug zog lawm yuav tua tau yooj yim dua ua ntej lawv huam tuaj thiab ua rau koj mob.

Yuav muaj dab tsi tshwm sim yog tias kuv tsis noj tshuaj?

Yog tias koj tsis noj cov tshuaj Moxifloxacin, qhaj ntawhnuh tsis tau noj, los yog tsum tsis noj cov tshuaj ua ntej koj tus kws kho mob los yog tus kws mob qhia koj, koj tuaj yeem raug mob los ntawm tus kab mob TB no huam tuaj. Nws tseem ceeb heev uas yuav tsum tau tua cov kab mob TB kom koj thiab koj tsev neeg nyob noj qab haus huv.

Yuav muaj dab tsi tshwm sim yog tias kuv muaj tshuaj tiv thaiv kab mob BCG lawm ne?

Tshuaj BCG tiv thaiv cov me nyuam los ntawm cov kab mob TB uas mob hnyav heev tab sis tsuas yog siv tau ob peb xyoos xwb. Nws tsis tuaj yeem tiv thaiv kev mob LTBI lossis tus mob TB uas twb huam lawm. Tawm tias koj twb tau xav tshuaj tib thaiv BCG lawm los, koj yuav tsum noj tshuaj kho kab mob LTBI los tiv thaiv koj tus kheej thiab lwm tus.

Yua ua li cas yog tias kuv tsis tuaj yeem them cov tshuaj Moxifloxacin?

Nug koj tus kws kho mob lossis tus kws tu mob kom thov kev pab tshuaj los ntawm Minnesota Department of Health Tuberculosis Program.



Yuav ua li cas yog tias kuv tsiv tawm mus rau lwm qhov chaw lawm?

Qhia rau koj tus kws kho mob lossis tus kws tu mob ua ntej koj tsiv mus rau lwm lub xeev lossislwm lub nroog. Lawv tuaj yeem pab koj kom tau cov tshuaj TB txuas mus ntxiv tom qab koj tsiv lawm.

Yam dab tsi uas kuv yuav tsum paub txog hauv cov tshuaj LTBI?

- Qhia rau koj tus kws kho mob txog lwm yam tshuaj uas koj tseem tab tom noj.
- Tsis txhob noj cov tshuaj Moxifloxacin li 2 teev tom qab noj los yog haus cov khoom muaj kua mis, tshuaj tiv thaiv, los yog cov tshuaj ntaw yam vitamin.
- Yog tias koj muaj mob ntshav qab zib, kuaj xyuas koj cov piam thaj hauv ntshav kom tsis tu ncuia.
- Tsis txhob cia cev xeeb tub thaum lub sij hawm tseem noj cov tshuaj Moxifloxacin. Hu rau koj tus kws kho mob lossis tus kws tu mob tam sim ntawd yog tias koj cev xeeb tub.

Cov neeg feem ntau tsis muaj teeb meem dab tsi rau kev noj co tshuaj Moxifloxacin. Muaj qee leej kuj muaj teeb meem, xws li:

- Mob plab lossis ntuav
- Mob taub hau los yog kiv taub hau (lub taub hau sib)
- Raws plab heev
- Mob hauv koj lub plab mog
- Tawv nqaij xoo pob liab liab lossis khaus khaus
- Cov tawv nqaij lossis qhov muag daj
- Mob, kub lossis caus yaum hauv koj txhais tes lossis ko taw
- Mob hauv koj cov leeg los yog pob qij txha
- Hnov zoo li tsaus ntuj nti los yog kev hloov hauv kev xav

Yog tias koj muaj tej yam ntawm cov teeb meem no:

1. Tsum tsis txhob noj koj cov tshuaj.
2. Hu rau koj tus kws kho mob lossis tus kws tu mob tam sim ntawd. Txhob tos kom txog thaum koj qhov kev teem caij tom ntej.

Tuberculosis (TB) Prevention and Control Program
P.O. Box 64975, St. Paul, MN 55164-0975
651-201-5414 | www.health.state.mn.us/tb

Xav tau cov ntaub ntawv no ua lwm hom, hu rau:
651-201-5414. Luam tawm rau hauv nplooj ntawv siv dua tshiab tau.



Nco ntsoov noj koj cov tshuaj TB.

Yog tias koj ncuia sij hawm tsis noj ntau hnub, cov tshuaj yuav tsis ua hauj lwm. Nov yog qee txoj hauv kev los pab nco:

- Khaws koj cov tshuaj Moxifloxacin rau ib qho chaw uas koj yuav ntsia pom nws.
- Noj koj cov tshuaj Moxifloxacin tib lub sijhawm hauv txhua hnub. Piv txwv li, tom qab koj txhuam koj cov hniav los yog ua ntej koj yuav mus pw.
- Thov ib tug neeg los hais rau koj kom koj nco.
- Kos koj daim ntawv qhia hnub tom qab koj noj koj qhov tshuaj Moxifloxacin.
- Teeb ib qhov kev ceeb toom lossis lub moo ceeb toom rau hauv koj lub xov tooj ntawm tes.
- Siv ib lub npov ceeb toom noj cov tshuaj.

Yog tias koj tsis nco qab noj ntau hnub, sau lawv cia kom koj thiaj paub qhia rau koj tus kws kho mob lossis tus kws tu mob nyob rau koj lub sijhawm teem zaum tom ntej.

Mus ntsib kws kho mob kom txhua nrho raws li koj cov sijhawm teem tseg mus kuaj mob.

Koj tus kws kho mob lossis tus kws tu mob yuav pab xyuas kom koj txoj kev kho mob zoo zuj zus.

Kuv lub sijhawm teem tseg mus kho mob TB tom ntej yog

Hnub Tim:

Sijhawm:

Tus kws kho mob lossis tus kws tu mob:

Thaj chaw: